

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Der Nibelungen Liet

Müller, Christoph Heinrich

Berlin, 1782

Wie die Herren alle zen Heunen fuoren

[urn:nbn:de:bsz:31-161443](https://nbn-resolving.org/urn:nbn:de:bsz:31-161443)

WIE DIE HERREN ALLE ZEN
HEUNEN FUOREN.

- 5758 Nu lazen daz beliben wie si gebaren hie.
Hoch gemuoter reken die gefuoren nie.
- 60 So rehte herlichen in deheines kuniges lant.
Si heten swaz si wolten beide wafen und gewant.
Der vogt von dem rine cleidete sine man.
Sechzech unde tusent als ich vernomen han,
Und niun tusent chnehte gen der hohcit.
- 65 Die si daheime liezen die beweint ez sit.
Do truoch man daz gereite ze wormez uozer
den hof.
Do sprach da von spire ein alter bischhof.
Zuo der schönen uoten unser vriunde wellent varn.
Gen der hohcite got muose da bewarn.
- 70 Do sprach zuo zir kinden diu edele uote.
Ir soltet hie beliben helde guote.
Mir ist getroumet hint von engeftlicher not.
Wie allez daz gefügete in disme lande were tot.
Swer sie an troume wendet sprach do hagne.
- 75 Der en weiz der rechten mere niht ze sägene.
Wenne ez im zen eren volleclichen ste.
Ich wil daz min herre ze hove nach urloube gē.
Wir suln vil gerne riten in eelen lant.
Da mag wol dienen kunige guoter helde hant.
- 80 Da wir da schouwen muozen kriemhilt hohcit.
Hagne riet die reise idoch gerouw ez in sit.
Er betez widerraten wan daz gernot.
Mit ungefuoge im also missebot.
Er mant in sifrides vrou kriemhilt man.
- 85 Er sprach davon wil hagne die groze hove reise lan.
Do sprach von trony hagne durch vorhte ich
niht entuo.
Swenne ir gebietet helde so sult ir grifen zuo.
Ja rite ich mit iu gerne in eelen lant.
Sit wart von im verhauwen manich helm unde rant.
- 90 Diu schif bereitet waren da was vil manic man.
Swaz si cleider heten die truoch man daran.
- 5792 Si waren vil unmuozeh vor abendes zit.
Si huoben sich von huse vil harte vroliche sit.
Die gecelt und ouch die butten spien man an daz
gras.
- 95 Anderthalp des rines da daz gefeze was.
Den kunich bat noch beliben sin vil schönes wip.
Si truote noch des nahtes den finen wetlichen lip.
By sinen fleutieren huob sich des morgens fruo.
Daz si varen solden do grifen si do zuo.
- 5800 Swer liep hete an arme der triute vriundes lip.
Des schit sit vil mit leide des kuniges eelen wip.
Diu kint der schönen uoten die heten einen man.
Küne und getriwen do si do wolten dan.
Do sagt ez dem kunegen sinen muot.
- 5 Er sprach des muoz ich trouren daz ir die houe
reise tuot.
- Er was geheizen rumolt und was ein helt zer hant.
Er sprach wem welt ir lazen late und ouch diu lant.
Daz nieman kan erwenden iu reken iuwarn muot.
Kriemhilt mere nie geduhten mich guot.
- 10 Daz lant si dir bevolhen und ouch min kindeln.
Und diene wol den vrouwen daz ist der wille min.
Swen du schest weinen dem troste sinen lip.
Ja tuot uns nimmer leide des kunie eelen wip.
Diu ros bereitet waren den kunigen und ir man.
- 15 Mit minnelichem kusse schiet vil maniger dan.
Dem in hohen muote lebete do der lip.
Daz muose sit beweinen vil manich wetlich wip.
Do man die snellen reken sach zen rossen gan.
Do kos man vil der vrowen trurichlichen stan.
- 20 Daz ir vil langez scheiden seite in wol der muot.
Uf grozen schaden ze komen daz herze nieman
sämpfte tuot.
Die snellen burgonden sich uz huoben.
Do wart in dem lande ein wichel uoben.
Beidenthalp der berge wainde wip unde man.

- 5825 Swe dort ir voloh tete si fuoren vrolich dan.
 Die niblunges helde komen mit in dan.
 In tusent halsspergen die heime heten lan.
 Manige schöne vrouwen die si gelahen nimmer me.
 Sifrides wunde taten kriemhilde we.
- 30 Do selichten si die reifen gen dem muone dan.
 Uf durch offer vranchen die gunthers man.
 Dar leitete si hagne dem was ez wol bekant.
 Ir marschalch was danewart der helt von burgon-
 den lant.
 Do si von ostervranken gen swane velde riten.
- 35 Do mohte man si kiesen an herlichen siten.
 Die fursten und ir mage die helde lobesam.
 An dem zwelften morgen der kunic zer tuo-
 nouwe kam.
 Do reit von trony hagne zaller vorderost.
 Er was den niblungen ein helflicher trost.
- 40 De erbeizte der deggen küne nider uf den sant.
 Sin ros er harte balde zu eime boume gebant.
 Daz wazzer was engozzen und die schif verborgen.
 Ez ergie den niblungen zen grozen sorgen.
 Wie si komen ubere der wal was in ze bereit.
- 45 Do erbeizte zuo der erden vil manich riter gemeit.
 Leide so sprach hagne mac dir hie wol geschehen.
 Vogt von dem rine nu maht du selbe sehen.
 Daz wazzer ist engozzen zil starke ist im sin fluot.
 Ja wen wir hie verliesen noch hiute manigen re-
 ken guot.
- 50 Waz wizet ir mir hagne sprach der kunic her.
 Durch iwes selbe tugende untrostet uns niht mer.
 Den furt sult ir uns fuochen hin uber an daz lant.
 Daz wir von hinnen bringen beide ros und ouch
 gewant.
 Ja en ist mir sprach hagne min leben niht so leit.
- 55 Daz ich mich welle ertrenken in diesen unden breit.
 E sol von minen handen ersterben manich man.
 In eelen landen des ich wil guoten willen han.
 Belibet bi dem wazzer ir stolzen riter guot.
 Ich wil die vergen fuochen selbe bi der fluot.
- 60 Die uns bringen ubere in gelpfrates lant.
 Do nam der starke hagne sinen guoten schildes rant.
 Er was wol gewafent den schilt er dannen truoch.
 Sinen helm uf gebunden licht was er genuoc.
 Do truoch er ob der brunne ein wafen also breit.
- 5865 Daz ze beiden eken vil harte vreislichen sneit.
 Do suochte er nah den vergen wider unde dan.
 Er horte wazzer giezen losen er began.
 In einem schönen brunnen taten daz wifu wip.
 Die wolten sich da külen und badeten iren lip.
- 70 Hagne wart ir innen er fleich in tougen nach.
 Do si daz versunnen do was in dannen gach.
 Daz si im entrannen des waren si vil her.
 Er nam in ir gewete der helt schadete in niht mer.
 Do sprach daz eine merwip hadburch was si genant.
- 75 Edel riter hagne wir tuon dir hie bekant.
 Swenne ir uns gebet wider unser gewant.
 Wie iu ce den hunen iwer hove reisē ergant.
 Si swebten sam die vogele vor im uf der fluot.
 Des hugten in ir sinne starch unde guot.
- 80 Swaz si im sagen wolden er geloabete in deffer baz.
 Des er do hince in do gerte wol beschiede si im daz.
 Si sprach ir muges wol riten in eelen lant.
 Des sece ich iu ce burgen min triwe hie ze hant.
 Daz helde nie gefuoren in deheiniu riche baz.
- 85 Nach also grozen erten nu geloubet werlichen daz.
 Der rede was de hagne in sine herzen her.
 Do gab er in ir kleider und sumte sich niht mer.
 Do si angeleiten ir wunderlich gewant.
 Do sageten si in rechte die reise in eelen lant.
- 90 Do sprach daz ander merwip diu hiez siglint.
 Ich wil dich warnen hagne aldrians kint.
 Durch der wete liebe hat min muome dir gelogen.
 Kumbstu cen hunen so bistu fere betrogen.
 Ja soltu wider keren daz ist an der zit.
- 95 Wan ir helde kuone also geladen sit.
 Daz ir sterben muozet in eelen lant.
 Swelhe dargeritent die habent den tot an der hant.
 Do sprach aber hagne ir triaget ane not.
 Wie mohte ez sich gefuen daz wir alle tot.
- 5900 Solden da beliben durch iemans haz.
 Si begunden im diu mere sagen kuntlicher baz.
 Do sprach aber diu eine ez muoz also wesen.
 Daz iwer einer chan da niht genesen.
 Ni wan des kuniges kapelan daz ist uns wol bekant.
- 5 Der kumt gefunt wider in gunthers lant.
 Do sprach in grimmen muote der küne hagne.
 Daz were minen herren muolich ce sagene.

- 5908 Daz wir zen hunen solden verliefen alle den lip.
Nu zeig uns uberz wazzer aller wifeste wip.
- 10 Si sprach sit du der verte niht wellest haben rat.
Swa oben bi dem wazzer ein herberge stat.
Darrinne ist ein verge und nindert anderswa.
Der mere der er vragte der geloubet er sich da.
Dem ungemuoten reken sprach diu eine nach.
- 15 Nu bitet noch er hagene ia ist iu gar ze gach.
Vernemet noch baz diu mere wie ir komet uber fant.
Dirre march heere der ist else genant.
Sin bruoder der ist geheizen der degene gelphrat.
Ein heere in beierlande vil müllich ez in stat.
- 20 Welt ir durch sine marke ir sult iuch wol bewarn
Und sult ouch mit den vergen vil bescheidenli-
chen varn.
Der ist so grimmes müotes der lat iuch niht genesen.
Irn welt mit guoten sinnen bi dem helde wesen.
Welt ir daz er iuch füre so geber ir im den solt.
- 25 Her hütet disses landes und ist gelfrate holt.
Und chomet er niht gecire so rüfet uber fluot.
Und iehet ir haizet amelrich der was ein helt guot.
Der durch veintscheffe roumte dize lant.
So chumet iu der verge swenne im der name
wirt erkant.
- 30 Der uber muote hagne den vrouwen do neich.
Er en reite niht mere wan daz er stille sweich.
Do gie er bi dem wazzer hoher an den fant.
Da er anderthalben ein herberge vant.
Er begunde ruosen vaste uber die fluot.
- 35 Nu hol mich hie verge sprach der degene guot.
So gib ich dir ze miete von golde einen bove
vil rot.
Ja ist mir dirre verte werlichen not.
Der verge waz so riche daz er niht dienen zam.
Da von er lon vil selten von icman de genam.
- 40 Ouch waren sine chnechte vil hohe gemuot.
Noch stuont allez hagne hie dishalb der fluot.
Do ruoft er mit der kreffe daz al der wac erdoz.
Von des heldes sterke diu was michel unde groz.
Nu hol mich almerichen ich bin der elfen man.
- 45 Der durch starke vintschafft von diesem lande entran.
Vil hohe an eime swerte ein bove er im do bot.
Licht unde schöne was er vol goldes rot.
- 5948 Daz man in uberfurte in gelphates lant.
Der ubermuote verge nam selbe daz rueder an
die hant.
- 50 Ouch was derselbe schifman muolich gesit.
Diu gir nach grozem guote vil bofer ende git.
Do wolt er verdienen daz hagnen golt vil rot.
Des leit er von dem degne den swert ginegen tot.
Der verge fuor genote hin uber an den fant.
- 55 Den er dannen horte do er des niht envant.
Do zurnt er ernsliche do er hagnen sach.
Vil harte grimmedlichen er do zuo dem helde sprach.
Ir muget wol sin geheizen bi namen namen
amerlich.
- Des ich mich hie verwene dem sit ir ungelich.
- 60 Von vater und von muoter was er der bruoder min.
Nu ir mich betrogen habet ir muofet dishalb sin.
Nein durch got den richen sprach do hagne.
Ich bin ein vremder reke und forge uf degene.
Nu nehmt hin vriuntliche minen solt.
- 65 Daz ir mich uber fuoret ich bin iu werlichen holt.
Do sprach aber der verge desen mach niht gefin.
Ez habent viende die lieben herren min.
Darum ich niemen vremden fuor in dize lant.
So lieb dir si ze lebene so trit vil balde uz an daz lant.
- 70 Nun tuot des niht sprach hagne trarich ist min muot.
Nemt von mir ze minnen dize golt vil guot.
Und fürent uns uber toufent ros und also manic man.
Do sprach der grimme verge daz wirdet nimmer
getan.
Er huop ein starkez ruoder michel unde breit.
- 75 Er fluoch uf hagenen des wart er ungemait.
Daz er in dem schiffe struhte an sinu knie.
So rehte grimmer verge kom zuo dem tronüre nie.
Do wolt er baz erzurnen den ubermoten gait.
Er fluoch im ein schalten daz diu gar zerbraft.
- 80 Hagnen uber houbet er was ein starker man.
Dayon der elfen verge den grozen schaden gewan.
Mit grimmegegen muote greif hagne ze hant.
Vil balde ze einer schaide da er ein wafen vant.
Er fluoch im ab daz haubet und warf es an den grunt.
- 85 Diu mere wurden schiere den burgonden kunt.
In denselben stunden da er den schifman fluoch.
Daz schif floz enouwe daz was im leit genuoch.

- 5988 Er erz gerilhte widere müden er began.
Do zoch vil krefteeliche des kunich gunthers man.
- 90 Mit zugen harte swinden kerte ez der gaff.
Unz im daz starcke ruoder an finer hant ce brafft.
Er wolde zuo den reken uz an einen fant.
Da was da heinz mere hei wie schiere erz gebant.
Mit eime schilt vezzel daz was ein borte final.
- 95 Gegen eime walde kehrte er hin ze tal.
Do vand er finen herren an dem stade stan.
Do gie im hin enkegene manic wetlicher man.
Mit gruoze in wol enphiengen die edelen riter guot.
Do sahens in dem schiffe riechen daz bluot.
- 6000 Von einer starken wunden die er dem vergen fluoc.
Do wart von degnen hagne gevraget genuoc.
Do der kunich gunther daz heize bluot erfach.
Sweben in dem schife balde er do sprach.
Saget mir her hagne war ist der verge komen.
- 5 Iwer starkes ellen wen im den namen hat benomen.
Do sprach er luogenliche da ich daz schif vant.
Bi einer wilden widen da lostez mit hant.
Ich han deheinen vergen hiute hie gesehen.
Ez ist ouch niemen leide von minen schulden
gesehehen.
- 10 Do sprach von burgonden der herre gernot.
Hiute muoz ich sorgen uf lieber vriunde tot.
Sit wir der schif liute niht bereit han.
Wie wir komeu ubere des muoz ich trürich gestan.
Lüte rief do hagne leget nider uf das gras.
- 15 Ir knechte daz gereite ich gedenke daz ich was.
Der aller beste verge den man bi sine vant.
Ja trouwe ich iuch wol bringen uber in gelsfra-
tes lant.
Daz si deste balder komen uber fluot
Diu ros si an fluogen der swimmen daz wart guot.
- 20 Wan der starken unden deheinz in da benam.
Etlichez uowete als im diu müde gezam.
Do truogen si ze scife ir golt und ouch ir wat.
Sit si der verte niht mohten haben rat.
Hagne der was meister des fuoret uf den fant.
- 25 Vil manigen zieren reken in daz unkunde lant.
Zem ersten braht er uber tusent riter her.
Dar zuo sine reken dannoch was ir mer.
- 6028 Nian tusent knechte fuort er an daz lant.
Des tages was unmuozich des künen troniäres hant.
- 30 Do er si wol gesunde brahte uber fluot.
Do gedahte vremder mere der sinelle gegen guot.
Diu im 8 seiten diu wilde morwip.
Des hete des kuniges kapelan nach verlorn den lip.
Bi dem kapel soune er den pfaffen vant.
- 35 Ob dem heilictume er leinte an finer hant.
Des mohte er niht geniezen do in hagne sach.
Der gotes arme priester muose liden ungemach.
Er swanc in uz dem scheffe dar zuo wart im gah.
Do riefen ir gent oge nu vaha here vah.
- 40 Giselher der iunge zurnen erz began.
Ern wold ez doch niht lazen er en het in leid^e
getan.
Do sprach von burgunden der herre gernot.
Was hilfet iuch nu hagne des kapelans tot.
Tet ez ander ieman ez solt iu wesen leit.
- 45 Umb welhe schulde habet ir dem priester wider seit.
Der pfaffe swam genote er wolte sin genesen.
Ob im ieman hulfe des mohte doch niht wesen.
Wan der starke hagne vil zornich was sin muot.
Er stiez in zuo dem grunde daz en duhte nie-
man guot.
- 50 Do der arme phaffe der helfe niht enfach.
Do kert er wider ubere des leit er ungemach.
Swie er niht swimmen kunde im half diu gotes
hant.
Daz er kom gesunder hin wider uz an daz lant.
Do stuont der arme priester und fluochte sine wat.
- 55 Da bi sach wol hagne daz sin niht wäre rat.
Daz im für mere sagten diu wilden mer wip.
Er dshte dise degene die muozen verliefen den lip.
Do si daz schif entluoden und gar getruogen dan.
Swaz dar uffē heten der drier kunige man.
- 60 Hagne ez fluochze stuken und warf ez an die fluot.
Des heten michel wunder die reken küne unde guot.
Zwiu tuot ir da bruoder so sprach danewart.
Wie suln wir komen ubere so wir die wider vart.
Riten von den hunen ze lande an den rin.
- 65 Sit do sagt im hagne daz des kunde niht gefin.
Do sprach von troni hagne ich muonz uf den wan.
Ob wir an dieser reise deheinen zogen han.

- 6063 Der uns enrinnen welle durch zegliche not.
Der muoz an disem wege liden schemlichen tot.
- 70 Si fuorren mit in einen uz burgonden lant.
Zuo sinen handen einen helt der was volcher ge-
nant.
Der reite spiheliche allen sinen muot.
- 6073 Swaz ie begie hagne daz duhte den videlere guot.
Ir ros bereitet waren ir soumer wol geladen.
- 75 Si hete an der verte noch deheipen schaden.
Genomen des si muote wan des kuniges kapelan.
Der muose uf sine füze hinwider zuo dem rine
gan.

WIE DANCHWART GELFFRATEN SLUOCH.

- 6073 **D**o si nu waren alle komen uf den fant.
Der kunich begunde fragen wer sol uns
durch diu lant.
- 80 Die reken wege wifen daz wir niht irre varn.
Do sprach der starke volker daz sol ich eine bewarn.
Nu enthalt iu sprach hagne ritter unde kneht.
Man sol vriunden volgen ia dunchet ez mich reht.
Vil ungefuoge mere die tuon ich iu bekant.
- 85 Wiren komen nimmer mere wider in der burgon-
den lant.
Daz sagten mir zwai mer wip hiute morgen fruou.
Daz wir niht komen widere nu rat ich waz man tuo.
Daz ir iuch wafent helde ir sult iuch wol bewarn.
Wir haben hie starke viende daz wir gewerlichen
varn.
- 90 Ich wande an Luge vinden diu wifen mer wip.
Si iahen daz gesunder unfer deheines lip.
Nimmer ce lande keme ni wan der kappelan.
Darumbe ich in so gerne wolte hiute ertrenket han.
Do flugen disé mere von schare baz ze schare.
- 95 Des wurden snelle helde misse vare.
Do si begunden sorgen uf den herren.
An dirre hove reise des gie in werlichen not.
Da ce moungen si waren uber komen.
Da dem elfen vergen der lip was genomen.
- 6100 Do sprach aber hagne sit daz ich vinde han.
Verdienet uf der straze wir werden schwerliche
bestan.
Ich sluoc denselben vergen hiute morgen fruou.
- 6103 Si wizen wol diu mere nuo grifet balde zuo.
Do gelfrat und elfe hiute hie beste.
- 5 Unfer ingefinde daz ez in schedilich erge.
Ich erkenne si so küne ez wirdet niht verlan.
Diu ros sult ir lazei defter samfster gan.
Daz des iemen wene wir slichen uf den wegen.
Des rates wil ich volgen so sprach gifelher der degen.
- 10 Wer sol daz gefinde wifen hin uber lant.
Si sprachen daz tu volker dem ist ez hie wol bekant.
Stige unde straze der küne spielman.
Ê daz manvollen gerte man sach wol gewafent
stan.
Den snellen videlere den helm er uf gebant.
- 15 In herlicher varwe was sin wit gewant.
Er bant ouch zeime schafte ein zeichen daz was rot.
Sit chom er mit den kunigen in ein vreisliche not.
Do was tot der vergen gelpfrate chomen.
Mit wifen meren do het ez ouch vernomen.
- 20 Elfe der vil starke ez was in beiden leit.
Si sanden nach ir helden die waren vil schiere
bereit.
In vil kurzzen citen ich wils iu horen lan.
Sach man zuo ein riten die schaden heten getan.
In starken urleugen vil ungefüge schar.
- 25 Der kom gelpfraten wol sibem hundert ce helfe dar.
Do si grimmen vienden begunden riten nach.
Ja leiten si ir herren den was ein teil ze gah.
Nach den künen gesten si wolten anden ir zorn.
Des wart der herren vriunden sider mer verlorn.